

VENDIM
Nr. 656, datë 31.10.2018

**PËR PËRCAKTIMIN E MASËS SË SHPËRBLIMIT TË ANËTARËVE TË KËSHILLAVE,
BORDEVE OSE KOMISIONEVE TË PËRHERSHME TË NJËSIVE TË QEVERISJES
QENDRORE**

(Ndryshuar me VKM nr. 559, datë 31.7.2019, nr. 612, datë 29.7.2020)

(I përditësuar)

Në mbështetje të nenit 100 të Kushtetutës dhe të nenit 4, të ligjit nr. 10405, datë 24.3.2011, “Për kompetencat për caktimin e pagave dhe shpërblimeve”, me propozimin e ministrit të Financave dhe Ekonomisë, Këshilli i Ministrave

VENDOSI:

1. Bordet, këshillat, komitetet dhe komisionet e përhershme të njësive të qeverisjes qendrore, që këtu e në vijim emërtohen organe kolegjiale, përbëhen nga përfaqësues të njësive të qeverisjes qendrore dhe nga përfaqësues të tjerë, sipas përcaktimeve të legjislacionit përkatës. Përfaqësues i njësisë së qeverisjes qendrore në këto organe emërohet punonjësi organik i njësisë. Punonjësit e emëruar në përbërje të organeve kolegjiale përfitojnë një pagesë për pjesëmarrjen dhe kontributin e tyre në këto organe, sipas përcaktimeve të këtij vendimi.

2. Nuk janë objekt i këtij vendimi organet drejtuese të njësive të fondeve speciale, të institucioneve kushtetuese dhe të pavarura, që funksionojnë si të tilla sipas përcaktimeve të ligjit nr. 9584, datë 17.7.2006, “Për pagat, shpërblimet dhe strukturat e institucioneve të pavarura kushtetuese dhe të institucioneve të tjera të pavarura, të krijuara me ligj”, si dhe të institucioneve që nuk financohen nga buxheti i shtetit.

3. Emërtesa e çdo organi kolegjial, numri i anëtarëve në përbërje të tyre, numri maksimal i pagesave në një vit, pavarësisht nga numri i mbledhjeve të kryera, si dhe masa e pagesës së tyre, përcaktohen në lidhjen nr. 1, që i bashkëlidhet këtij vendimi dhe është pjesë përbërëse e tij.

4. Masa e shpërblimit të punonjësve të emëruar në komisionet e mëposhtme është, si më poshtë vijon:

a) Për komisionet e posaçme të shpronësimit të ngritura në njësitë publike, masa e shpërblimit të anëtarëve në përbërje të tyre, është 10 000 (dhjetë mijë) lekë për çdo vendim shpronësimi të miratuar;

b) Për komitetin e auditimit të ngritur në njësitë publike, masa e shpërblimit të tre anëtarëve, është 10 000 (dhjetë mijë) lekë për çdo mbledhje, por jo më shumë se 4 pagesa në vit;

c) Për Komisionin e Përhershëm të Vlerësimit të Objekteve të Trashëgimisë Kulturore, masa e shpërblimit është 5 000 (pesë mijë) lekë secili prej anëtarëve, për çdo akt vlerësimi;

ç) Për komisionin rajonal mjekësor për caktimin e aftësisë për punë, në varësi të Institutit të Sigurimeve Shoqërore, masa e shpërblimit është 20 000 (njëzet mijë) lekë në muaj për kryetarin dhe 15 000 (pesëmbëdhjetë mijë) lekë në muaj për anëtarin, pavarësisht nga numri i mbledhjeve të kryera në një muaj;

d) Për Komisionin Epror Mjekësor për Caktimin e Aftësisë për Punë, në varësi të Institutit të Sigurimeve Shoqërore, masa e shpërblimit është 25 000 (njëzet e pesë mijë) lekë në muaj për kryetarin dhe 20 000 (njëzet mijë) lekë në muaj për anëtarin, pavarësisht nga numri i mbledhjeve të kryera në një muaj;

dh) Për Komisionin Mjekësor Qendror për Përcaktimin e Verbërisë, në varësi të Shërbimit Social Shtetëror, masa e shpërblimit është 25 000 (njëzet e pesë mijë) lekë në muaj për kryetarin dhe 20 000 (njëzet mijë) lekë në muaj për anëtarin, pavarësisht nga numri i mbledhjeve të kryera në një muaj;

e) Për komisionin e posaçëm për miratimin e materialeve të përkthyer të legjislacionit të Bashkimit Evropian në shqip, pranë ministrisë përgjegjëse për Evropën, masa e shpërblimit të anëtarëve në përbërje të tij përcaktohet sipas kriterëve të udhëzimit të përbashkët të ministrit përgjegjës për Evropën dhe ministrit përgjegjës për financat dhe ekonominë.

5. Kufiri maksimal i shpërblimit të anëtarëve në senatin akademik dhe bordin e administrimit në institucionet e arsimit të lartë publik është 25 000 (njëzet e pesë mijë) lekë në muaj.

6. Përfshihen nga e drejta e pagesës sipas pikës 3, të këtij vendimi, punonjësit e emëruar si përfaqësues të institucionit në më shumë se 2 (dy) nga organet kolegjiale të përcaktuara në lidhjen nr. 1, që i bashkëlidhet këtij vendimi.

7. Shpenzimet për kryerjen e pagesës së punonjësve në përbërje të organeve kolegjiale, të cilat vërtetohen kundrejt dokumentit të pjesëmarrjes në mbledhje, si dhe çdo shpenzim tjetër i natyrës operative (jo shpërblim), të kryer për realizimin e detyrave të organeve kolegjiale, përballohen nga institucionet e ngarkuara për krijimin e organeve kolegjiale, brenda buxhetit vjetor të tyre.

8. Njësia e qeverisjes qendrore që emëron përfaqësues të saj në organet e ndryshme kolegjiale, ka detyrimin e mbajtjes së të dhënave të angazhimit të punonjësve të saj në këto organe.

9. Efektet financiare për organet kolegjiale që rregullohen për herë të parë me këtë vendim, fillojnë nga momenti i funksionimit të tyre dhe përballohen nga buxheti i miratuar për institucionet përkatëse, të përmendura në vendim.

10. Vendimi nr. 418, datë 27.6.2012, i Këshillit të Ministrave, “Për përcaktimin e masës së shpërblimit të anëtarëve të këshillave, bordeve ose komisioneve të njësive të qeverisjes qendrore”, shfuqizohet.

11. Ngarkohen njësitë e qeverisjes qendrore për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama

Lidhja nr. 1¹

Emertesa e Bordit/Keshilli/Komisionit	Numri maksimal i pagesave në një vit	Përberja		Masa e shperblimit në Lekë	
		Kryetari	Nr. i Anetareve	Kryetari	Anetari
Keshilli Rregullimit Teritorit në RSH	6	1	12	20,000	20,000
Komiteti Kombetar i Digave të Medha	12	1	10	20,000	20,000
Keshilli Teknik i Përhershëm i Digave	6	1	4	20,000	20,000
Bordi Menaxhimit të Autoritetit Rrugor Shqiptar	12	1	6	15,000	12,000
Komisioni i dhënies së Licensave Profesionale në fushën e studimit e projektimit dhe mbikqyrjes e kolaudimit (në fushën e ndërtimit)	12	1	10	8,000	7,000
Komisioni i dhënies së Licensave Profesionale në fushën e vlerësimit të Pasurive të Paluajtshme	12	1	6	8,000	7,000
Komisioni i Mbrojtjes së Konsumatoreve	6	1	4	5,000	5,000
Komisioni i Ndihmës Shtetërore	6	1	4	10,000	10,000
Bordi i Kontrollit të Brendshëm Financiar Publik	4	1	7	20,000	15,000
Komisioni i kualifikimit të audituesve të brendshëm	12	1	4	8,000	7,000
Bordi i Mbikqyrjes Publike	12	1	6	20,000	20,000
Keshilli i Lartë i Arsimit dhe Shkencës	6	1	18	20,000	15,000
Keshilli Kombetar i Arsimit Parauniversitar	6		6		13,000
Komisioni i Lartë i Sportit	6	1	8		5,000
Keshilli Kombetar Kunder Dhunës në Sport	6	1	8		5,000
Komisioni Antidoping	6		9		5,000
Keshilli Kombetar për të Drejtën e Autorit	5	1	4	5,000	5,000
Keshilli Shkencor i Bibliotekës Kombëtare	4		7		5,000
Bordi artistik i Teatrit Kombetar të Opera/Baletit/Asambli popullore	4	1	6	5,000	5,000
Bordi Artistik i Teatrit Kombetar	4	1	6	5,000	5,000
Bordi artistik i Galerisë Kombëtare	4	1	6	5,000	5,000
Bordi Artistik i Qendrës Kombëtare për Femijë	4	1	6	5,000	5,000
Bordi Artistik i Arkivit Qendror të Filmit	4	1	6	5,000	5,000
Bordi Artistik i Teatrit Kombetar Eksperimental "Kujtim Spahivogli"	4	1	6	5,000	5,000
Bordi Artistik i Cirkut Kombëtar	4	1	6	5,000	5,000
Keshilli Kombetar i Arkeologjisë	4		4		5,000
Komiteti Kombëtar i Trashëgimisë Kulturore Shpirtërore	4	1	6		5,000
Keshilli i Akreditimit të institucioneve shëndetësore	4	1	5	20,000	15,000
Komisioni i mbrojtjes nga rrezatimi	4	1	7	10,000	10,000
Komiteti Shtetëror për Planifikimin Spitalor	4	1	10	5,000	5,000
Komiteti Kombetar i Transfuzionit të Gjakut	2	1	13	5,000	5,000
Bordi i Edukimit të Vazhdueshëm në fushën e shërbimit	8	1	8	7,000	7,000
Komisioni i Çmimit të Barnave	12	1	6	7,000	7,000
Komiteti Ndërsëktorial për Mbrojtjen nga Produktet e Duhanit (KNMSHPD)	4	1	7	5,000	5,000
Komiteti i Etikës (në fushën e barnave dhe farmaceutikës)	12		9		15,000
Keshilli Drejtues i Komitetit Shqiptar të Biresimeve	12	1	9	10,000	10,000
Komisioni vlerësimit të programit mbrojtjes së deshmitarëve/bashkepunetoreve të drejtësisë	12	1	4	20,000	15,000
Keshilli i Lartë i Arkivave (pranë D.P. Arkivave)	4	1	17	10,000	5,000
Komisioni Qendror i Ekspertizës (pranë D.P. Arkivave)	4	1	15		5,000
Komisioni i Deklasifikimit dhe Zhvlerësimit të Informacionit të Klasifikuar "Sekret shtetëror" (pranë D.P. Arkivave)	4	1	5		5,000
Komisioni i Përhershëm i Ekspertizave të Vlerësimit të dokumentave me rëndësi historike kombëtare (pranë D.P. Arkivave)	4	1	9		5,000
Keshilli i Statistikave	6	1	10	20,000	12,000
Komisioni Kombetar i Nomenklaturës	3	1	18	10,000	8,000
Keshilli Drejtues i Shkollës së Magjistraturës	6	1	17	10,000	10,000
Keshilli Pedagogjik i Shkollës së Magjistraturës	2		15		8,000
Bordi i Redaktorëve i Shkollës së Magjistraturës	6		9		8,000
Keshilla miratues i projekteve të filmit artistik	3		5		20,000
Keshilla miratues i projekteve të filmit dokumentar	3		5		15,000
Keshilla miratues i projekteve të filmit vizatimor	3		5		15,000
Komisioni i Vizionimit	3		2		8,000
Komisioni Financiar i filmit artistik	3		3		15,000
Komisioni Financiar i filmit vizatimor	3		3		8,000
Komisioni Financiar i filmit dokumentar	3		3		8,000
Bordi Drejtues i Keshillit Kombetar Kontabilitetit	12	1	8	20,000	15,000
Bordi Mbikqyrës i AMSHC	9	1	8	7,000	5,000
Bordi drejtues i Institutit i studimeve për Krimet dhe Pasojat e Komunizmit	9	1	6	20,000	20,000
Keshilli Shkencor i Institutit i studimeve për Krimet dhe Pasojat e Komunizmit	6	1	6	15,000	15,000
Keshilli i Botimeve pranë Akademisë së Shkencave	3	1	12	5,000	5,000
Keshilli Nder-akademik për Gjuhën Shqipe pranë Akademisë së Shkencave	3	1	12	5,000	5,000
Keshilli Drejtues i Agjencisë së Ofritit të Shërbimeve Publike të Integruara	8	1	6	20,000	20,000
Keshilli Koordinues i Botimeve për Diasporën	6	1	4	5,000	5,000
Keshilli Drejtues i Agjencisë Kombëtare për Diasporën	6		7		15,000
Keshilli Mbikqyrës i Agjencisë Auditimit të Programeve të Asistencës	9	1	2	10,000	10,000

¹Me VKM nr. 559, datë 31.7.2019 b[het ndryshimi: "Në lidhjen nr. 1, të përmendur në pikën 3, të vendimit, numri maksimal i pagesave në një vit, pavarësisht nga numri i mbledhjeve të kryera, për "Këshillin miratues të projekteve të filmit artistik", bëhet 6 (gjashtë)."

(Shtuar me VKM nr. 612, datë 29.7.2020)

Emertesa e Bordit/Keshillit/Komisionit	Numri maksimal i pagesave ne nje vit	Përbërja		Masa e shperblimit në Lekë	
		Kryetari	Nr. i Anetareve	Kryetari	Anëtari
Komisioni i Policisë Gjyqësore	12	1	4	20,000	15,000
Komisioni Qendror i Statusit "Dëshmor i Atdheut"	5	1	6	7,000	7,000
Bordi i Administrimit të Fondit Social të Punësimit	6		9		10,000
Këshillat Konsultativ Trepalësh Rajonal	4	1	14	5000	5000
Zyra Kombëtare e Pajtitimit		1	4		Paga ditore e Dr. Drejtorise * nr. i diteve per pjesemarrje ne mbledhje
Zyrat Rajonale të Pajtitimit		1	4		Paga ditore Dr. te Zyres Rajonale * nr. i diteve per pjesemarrje ne mbledhje
Këshilli Kombëtar i Trashëgimisë Kulturore Materiale	4	1	14	5,000	5,000
Këshilli Kombëtar i Trashëgimisë Kulturore Jomateriale	4	1	10	5,000	5,000
Këshilli Kombëtar i Menaxhimit të Pasurive Kulturore	6	1	10	5000	5000
Këshilli Kombëtar i Muzeve	4	1	10	5,000	5,000